

টানা ৯ দিনের ছুটিতে যাচ্ছে জাতীয় বিশ্ববিদ্যালয়

ইন্ডেফাক ডিজিটাল ডেস্ক

প্রকাশ : ০৯ জুলাই ২০২৬, ০৯:১৫



ফাইল ছবি।

গ্রীষ্মকালীন ছুটি উপলক্ষে আগামী ১২ থেকে ১৬ জুলাই পর্যন্ত পাঁচ দিন জাতীয় বিশ্ববিদ্যালয়ের সব প্রশাসনিক কার্যক্রম বন্ধ থাকবে। তবে সাপ্তাহিক ছুটিসহ এ বিরতি টানা প্রায় ৯ দিনে গড়াবে।

 [দৈনিক ইন্ডোফাকের সর্বশেষ খবর পেতে Google News অনুসরণ করুন](#)

বুধবার (৮ জুলাই) বিশ্ববিদ্যালয়ের রেজিস্ট্রার মোল্লা মাহফুজ আল-হোসেন স্বাক্ষরিত এক অফিস আদেশে এ তথ্য জানানো হয়েছে।

বিজ্ঞপ্তিতে বলা হয়েছে, ১২ জুলাই (রোববার) থেকে ১৬ জুলাই (বৃহস্পতিবার) পর্যন্ত জাতীয় বিশ্ববিদ্যালয়ের সব অফিস বন্ধ থাকবে। এ বিষয়ে সংশ্লিষ্ট সবাইকে অবহিত করার পাশাপাশি বিশ্ববিদ্যালয়ের ওয়েবসাইট ও আঞ্চলিক কেন্দ্রগুলোতে প্রয়োজনীয় ব্যবস্থা গ্রহণের নির্দেশ দেওয়া হয়েছে।

এদিকে সরকারি সাপ্তাহিক ছুটির কারণে ১০ ও ১১ জুলাই (শুক্র ও শনিবার) বিশ্ববিদ্যালয়ের কার্যক্রম বন্ধ থাকবে। গ্রীষ্মকালীন ছুটি শেষ হওয়ার পর ১৭ ও ১৮ জুলাইও সাপ্তাহিক ছুটি থাকায় প্রশাসনিক কার্যক্রমে টানা প্রায় ৯ দিনের বিরতি তৈরি হচ্ছে।

তবে এ সময়ে প্রশাসনিক কার্যক্রম বন্ধ থাকলেও বিশ্ববিদ্যালয়ের একাডেমিক বা অন্যান্য কার্যক্রম সম্পর্কে পৃথক কোনো নির্দেশনা বিজ্ঞপ্তিতে উল্লেখ করা হয়নি।